

流沙墜簡

外七種

上

羅振玉 著



羅振玉學術論著集

第二集

莫高窟石室秘錄之流沙墜簡

漢熹平石經殘字集錄

漢熹平石經殘字集錄補遺

干祿字書箋證

增訂碑別字

碑別字拾遺之碑別字續拾

羅振玉學術論著集

第二集 上

羅振玉 著

羅繼祖 主編

王同策 副主編

上海古籍出版社



第二集

責任編輯：徐 衍

封面設計：嚴克勤

技術編輯：王建中

校 對：楊思華 陳 穎 王怡瑋 等



第二集目次

莫高窟石室秘錄	一
流沙墜簡	三三三
漢熹平石經殘字集錄	九五
漢熹平石經殘字集錄補遺	四六三
干祿字書箋證	五〇九
增訂碑別字	五八五
碑別字拾遺	九五九
碑別字續拾	一一八三
整理後記	王同策 一三一九

莫高窟石室秘錄

莫高窟在敦煌縣東南三十里鳴沙山之下。前臨小川，有三寺，俗稱上寺、中寺、下寺。上、中兩寺皆道觀，下寺乃僧刹也。寺名皆署回文，而按石室中藏書多署「三界寺」，殆舊名也。寺之左近有石室千餘，由唐訖元皆謂之莫高窟，俗名千佛洞。詳《西域水道記》卷三《哈喇綽爾所受水》篇。各洞中皆有壁畫，上截爲佛像，下截爲造象人畫象，並記其人之姓氏、籍里。《西域水道記》載雍正中光祿少卿汪澹《游千佛洞》詩，所謂「色相嗟多毀，丹青訝尚鮮」者是也。惟一洞藏書滿中，乃西夏兵革時所藏。壁外加以象飾，故不能知其爲藏書之所。逮光緒庚子繕治石室，鑿壁而書出，由是稍稍流傳人間。

丁未冬，法人伯希和君游迪化，謁長將軍。將軍曾藏石室書一卷，語其事。繼謁瀾公暨安西州牧某，各贈以一卷。伯君審知爲唐寫本，亟往購，得十巨篋，然僅居石室中全書三分之一，而所有四部各書及經卷之精好者則垂盡矣。今其所得已大半寄回法國，藏之巴黎圖書館。尚餘數束未攜歸，吾友董授經京卿康以此事見告，乃與同好往觀。爰將所見及所未見類次爲《莫高窟石室秘錄》，凡爲篇七，述之如左。

書卷第一

尚書顧命殘葉已影照

僅尺許，然有異文。此葉以糊經帙之背。

毛詩卷九未見

《鄩·柏舟故訓傳》，鄭注。

案：陸德明《釋文》「邶」本作「鄩」，《漢衡方碑》「感背人之凱風」，字又作「背」，此本作「鄩」，知是六朝古本。

唐禮圖未見

僅數葉，乃唐人冊子本。

新集吉凶書儀二卷未見

案：《宋史·藝文志·史部·儀注類》有劉岳不註朝代，當是唐人。《吉凶書儀》二卷，不知即此書否？

范甯穀梁集解未見

存莊公至閔公。

何晏論語集解未見

存卷一、卷二、卷六。

開蒙要訓未見

案：《日本現在書目·小學家》著錄作一卷，馬氏撰。

孟說秦語中第二

案：伯君言此書即《國語》，然《國語》中無《秦語》。《唐書·藝文志·史部·雜史類》有孔衍《春秋時國語》十卷，又《春秋後國語》十卷，不知即此書否？

天地開闢以來帝王記一卷未見

唐律一卷殘 未見

伯君言無疏義，彷彿記有新增之例。據所云，疑即《顯德刑統》類也。

唐歷日未見

卷子本，凡三卷，皆有年號。伯君忘之。

沙州志一卷斷為四截 端制軍已影照

據伯君言，中有五代地名，然其書法則似唐人筆也。且卷中改「民間」為「百姓間」，書「隆」作「隆」，避太宗、玄宗諱，為唐人筆無疑。

西州志殘卷已影印

此志首尾均缺，但存中間數十行。伯君原題《吐魯番地志》。

案：今之吐魯番為唐之西州，故改箸原名。以此《志》證之新、舊兩《唐書·地理志》，多合。惟兩《志》均言西州領縣五：《舊志》為高昌、柳中、蒲昌、天山，《通典》及《寰宇記》西州無此縣，《元和

《志》有之。交河。此名見柳中註中。《新志》則有前庭，無高昌。而於前庭注曰：本高昌，寶應元年更名。《元和志》作「天寶元年更名」。今此卷內所載凡六縣：曰高昌、曰前庭、曰蒲昌、曰天山、曰交河。高昌、前庭並載，足正史志之誤。又此《志》載十一道：曰赤亭、曰新開、曰花谷、曰移摩、曰薩捍、曰突波、曰大海、曰烏骨、曰他地、曰白水澗、曰銀山。當是西州都護府所分諸道，足補諸地志之缺。《新志》注中有銀山磧，十道中之銀山殆以此得名。《志》注中又有柳谷，此卷移摩、薩捍、突波、他地四道下均有其名。

又案：西州自德宗貞元六年陷於吐蕃，宣宗大中五年，沙州首領張義潮逐虜守者，以十一州地圖獻，中有西州。後分三部，曰和州回鶻、曰阿薩蘭回鶻、曰高昌，均服屬於遼。見《遼史·屬國表》及《兵衛志》。今卷中新開道下有「今見阻賊不通」語，似此《志》作於貞元間未淪於吐蕃以前。惠超往五天竺三國傳一卷鈔出

此記亦首尾殘缺，伯君據慧琳《一切經音義》定為《惠超往五天竺三國傳》。

案：慧琳《音義》卷一百載惠超此《傳》凡三卷。今此卷首尾雖殘，然似是一卷，俟再詳考。

西漢金山國皇帝勅

此勅行書，缺末數行。上鈐「金山白衣王印」六字朱文印，文錄後：

西漢金山國聖文神武帝勅

欢迎访问：电子书学习和下载网站（<https://www.shgis.com>）

文档名称：《02、《罗振玉学术论著集（第二集）流沙坠简（外七种）上》》罗振玉 著，罗继祜

请登录 <https://shgis.com/post/4875.html> 下载完整文档。

手机端请扫码查看：

